

四庫全書

史部

欽定四庫全書

史部

水經注集釋訂說卷六

詳校官監察御史臣周元良

刑部郎中臣許兆椿覆勘

總校官原任中允臣王燕緒

校對官中書臣吳裕德

謄錄舉人臣蔣傳馨

欽定四庫全書

水經注集釋訂訛卷六

歸安沈炳巽撰

汾水 澮水 涑水 文水

原公水 洞渦水 晉水 湛水

汾水出太原汾陽縣北管涔山

按今靜樂縣在太原府西北二百二十里本漢

汾陽縣地理志汾陽北山汾水所出西南至汾陰入河過郡二行一千三百四十里管涔山一名燕京山淮

南子汾出燕京是也隋志靜樂縣有管涔山元和志云在縣北一百二十里

山海經曰北次二經之首在河之東其東

按經無首東字

枕汾其名曰管涔之山其上無草木

按經作其上無木而多草

下多玉汾水出焉西流注于河十三州志曰出武州

之燕京山亦管涔之異名也其山重阜修層

朱本改巖有

草無木泉源道于南麓之下蓋稚水濛流耳又西南

夾岸連山聯峰接勢劉淵族子曜常隱居于管涔之

山夜中忽有二童子入跪曰管涔王使小臣奉謁趙

皇帝獻劍一口置前再拜而去以燭視之劍長二尺

光澤非常背有銘曰神劍服

十六國春秋前趙錄劉曜傳無服字御除

衆毒曜遂服之劍隨

按傳漏四字

時變為五色也後曜遂

為胡王矣汾水又南與東西溫溪合水出右近溪聲

流翼注水上雜樹交陰雲垂烟接自是水流潭漲波

襄轉泛又南逕一城東憑墉積石側枕汾水俗謂之

代城城

疑當作水

又南出二城間其城角倚翼枕汾流世

謂之侯莫干城蓋語出戎方傳呼失實也汾水又南

逕汾陽縣故城東

城在今太原府陽曲縣北十里

川土寬平垣山夷

水故地理志汾水出汾陽縣北山西南流者也漢高
帝十一年封靳強為侯國後立屯農積粟在斯謂之
羊腸倉山有羊腸坂在晉陽西北石磴縈委若羊腸
焉故倉坂取名矣漢永平中治呼池石臼河按司馬
彪後漢郡國志常山南行唐縣有石臼谷蓋洛乘御覽

作資承

呼池之水轉山東之費

疑當作漕

自都盧

按後漢書鄧訓傳作

都慮至羊腸倉將憑汾水以漕太原用實秦晉苦役連

年轉運所經凡三

項本
作二

百八十九隘死者無算拜鄧

訓為謁者監護水功訓隱括知其難立

朱箋按訓傳云訓考量隱

括知大功難立注云隱審量括之也拘木必待隱括蒸揉然後直也

具言肅宗肅宗從

之全活數千人和熹鄧后之立叔父

何校後漢書叔父下增陔字

以為訓積善所致也羊腸即此倉也魏土地記曰秀

容

秀容故城在今太原府忻州西北五十里

胡人徙居之立秀容護軍治

東去汾

疑是汾

水六十里南與酸水合水源西出少陽

之山東南流注於汾水

山海經作東流注于汾水無南字

汾水又南

出山東南流洛陰水注之水出新興郡西流逕洛陰

城北

在今太原府東北六十里

又西逕孟縣故城南

在今太原府東北八十里

春秋左傳昭公二十八年分祁氏七縣為大夫之邑

以孟丙為孟大夫

左傳昭公二十八年魏獻子為政分祁氏之田以為七縣孟其一也

水又西逕狼孟

按漢志當作孟縣故城南

在今太原府北七十里

王莽

之狼調也左右夾澗幽深南面大壑俗謂之狼馬澗

舊澗澗為城有南北門門闥故壁尚在洛陰水又西

南逕陽曲城北

元和志陽曲故城在太原縣東北四十五里

魏土地記曰

陽曲胡寄居太原界置陽曲護軍治其水西南流注

于汾水汾水又南逕陽曲城西南注也

東南過晉陽縣東

今為山西太原府太原縣

晉水從縣南東流注之

太原郡治晉陽城秦昭襄王三年立尚書所謂既修

太原者也春秋說題辭曰高平曰太原原端也平而

有度廣延

當作疋五下切古雅字按古丈大小雅爾雅字本作疋

曰大鹵太原

也釋名曰地不生物曰鹵盧

釋名曰鹵盧也如壚火處也

穀梁傳

曰中國曰太原夷狄曰大鹵尚書大傳曰東原底平

大而高平者謂之太原郡取稱焉魏土地記曰城東

有汾水南流水東有晉使持節都督并州諸軍事鎮北將軍太原成王之碑水上舊有梁清泚殞于梁下

豫讓死于津側亦襄子解衣之所在也

朱箋呂氏春秋云趙襄子

遊于園中至于梁馬却不進使青荇進視則豫讓佯為死人叱青荇曰吾且有事青荇退而自殺史記刺客傳豫讓伏于襄子所過之橋下襄子至橋馬驚襄子曰此必是豫讓也使人問之果豫讓也於是襄子數之豫讓請襄子之衣而擊馬於是襄子大義之使使持衣與豫讓豫讓拔劍三躍而擊之伏劍自殺

汾水西逕晉陽城南舊有介子推祠前有碑廟宇傾

頽惟單碑獨存矣今文字剝落無可尋也

今太原縣南有赤橋

舊謂之
豫讓橋

又南洞渦水從東來注之

汾水又南逕梗陽縣故城東故榆次之梗陽縣也魏

獻子以邑大夫

何云大夫
上有闕文

魏戍也京相璠曰梗陽晉

邑也今太原晉陽縣南四十里榆次界有梗陽城汾

水又南即洞渦水會者也

元和志云梗陽故城在
清源縣南一百二十里

又南過大陵縣東

故城在今文水
縣北十三里

昔趙武靈王遊大陵夢處女鼓瑟而歌想見其人吳

廣進孟姚馬即於此縣也

史記趙世家武靈王遊大陵他日王夢見處女鼓琴

而歌詩曰美人熒熒兮顏若苔之榮命乎命乎曾無我羸異日王飲酒樂數言所夢想見其狀吳廣聞之因夫人而內其女羸孟姚也王莽改曰大寧矣汾水於縣左迤為

鄔澤廣雅曰水自汾出為汾陂其陂東西四里南北一十餘里陂南接鄔地理志曰九澤在北并州藪也

呂氏春秋謂之大陸又名之曰漚洩之澤俗謂之鄔

城

朱箋呂氏春秋九藪吳之具區楚之雲夢秦之陽華晉之大陸梁之圃田孟諸齊之海隅趙之鉅鹿

燕之大昭周禮云正北并州其川序沅嘔夷註云嘔夷祁夷也許慎說文云馮水出

西河中陽縣之西南入河即此水也。馮水又會嬰侯之水。山海經稱謁戾之山，嬰侯之水出于其陰，北流注于汜水。右出汜山，其水殊源，共合注于嬰侯之水。亂流逕中都縣南，俗又謂之中都水。侯甲水注之。

發源

孫云當作原平地。志原平縣屬太原郡。

縣胡甲山有長坂，謂之胡

甲嶺。即劉歆《遂初賦》所謂越侯甲而長驅者也。蔡邕曰：侯甲亦邑名也。在祁縣侯甲水，又西北歷宜歲郊。逕太谷，謂之太谷水，出谷西北流，逕祁縣故城南。

今屬

大原府故城
在縣西七里

自縣連延西接鄔澤是為祁藪也即爾

雅所謂昭餘祁矣賈辛邑也辛貌醜妻不為言與之

如臯射雉雙中之則笑也

朱箋按春秋左傳昭八二
十八年賈辛將見魏獻子

魏獻子曰辛來昔叔向適鄭駸茂惡欲觀叔向從使
之收器者而往立於堂下一言而善叔向將飲酒聞
之曰必駸明也下執其手以上曰昔賈大夫惡娶妻
而美三年不言不笑御以如臯射雉獲之其妻始笑
而言據此則貌醜者
乃賈大夫非賈辛也王莽之亦縣也又西逕京陵縣

故城

在今汾州府平
遙縣東七十里

北王莽更名曰致城矣於春秋

為九原之地也故國語曰趙文子與叔向遊於九原

曰死者若可作也吾誰與歸叔向曰其陽子乎文子
曰夫陽子行廉直於晉國不免其身智不足稱吾其
隨會乎納諫不忘其師矣故其京尚存漢興增陵於
其下故曰京陵焉侯甲水又西北逕中都縣故城南
在今榆次縣東
一百五十里 臨城際水湄春秋昭公二年晉侯執
陳無宇於中都者也漢文帝為代王都此武帝元封
四年上幸中都宮殿上見光赦中都死罪以下侯甲
水又西合為嬰侯之水逕鄆縣故城南晉大夫司馬

彌牟之邑也謂之鄔水也俗亦曰慮水慮馮

疑當作鄔聲

相近故因變焉又西北入鄔陂而歸于汾流矣

又南過平陶縣東文水從西來流注之

元和志文水縣本漢大陵縣地

汾水經縣東十五里文水在縣西漢平陶縣城在縣西南二十五里後魏改為平遙

汾水又南與石桐水合即綿水也水出界休縣之綿

山北流逕石桐寺西即介子推之祠也昔子推逃晉

公之賞而隱于綿上之山也晉文公求之不得乃封

綿為介子推之田曰以志我過且旌善人因名斯山

為介山故袁崧郡國志曰界休縣有介山有綿上聚

子推廟王肅襄

朱箋當作喪按隋史經籍志有王肅喪服要記一卷

服要記曰

昔魯哀公祖載其父孔子問曰寧設桂樹乎哀公曰
不也桂樹者起于介子推子推晉之人也文公有內
難出國之狄子推隨其行割肉以續軍糧後文公復

國忽忘子推子推奉唱

二字疑誤

而歌文公始悟當受爵

祿子推奔介山抱木而燒死國人葬之恐其神魂賈

於地

朱云賈於地疑有脫誤或當作賈

故作桂樹焉吾父生於宮殿

死於枕席何用桂樹為余案夫子尚非璵璠送墓安

能問桂樹為禮乎王肅此證近於誣矣石桐水又西

流注于汾水又西南逕界休

漢志屬太原郡今
沔陽府靈石縣

縣故

城西王莽更名之曰界美矣城東有郭林宗宋子浚

二碑宋冲以有道

此下甚
多訛誤

司徒徵林宗縣

漏人
字

也辟

司徒舉太以疾辭

按後漢書郭泰傳司徒黃瓊辟太
常趙典舉有道或勸林宗仕進者

對曰吾夜觀乾象晝察人事天之所
廢不可支也遂並不應據傳此頗誤

其碑文之

疑訛
或當

作有云將蹈洪崖之遐迹紹巢由之逸

按中郎
集作絕

軌翔區

外以舒翼起

碑作起

天路

碑作衢

以高峙稟命不融享年

四十有三

傳作四十二

建寧四年

傳作二年

正月丁亥卒凡我

四方同好之人永懷哀痛乃樹碑表墓昭銘景行云

陳留蔡伯喈范陽盧子幹扶風馬日磾等遠來奔喪

朋友服心喪暮年者如韓子助宋子浚等二十四人

其餘門人著錫衰者千數其碑文

此下有脫誤

故蔡伯喈

謂盧子幹馬日磾曰吾為天下碑文多矣皆有慙容

惟郭有道無愧于色矣

按傳云建寧二年春卒于家時年四十二四方之士千餘

人皆來會葬同志者乃共刻石立碑蔡邕為文既而謂涿郡盧植曰吾為碑銘多矣皆有慚德惟郭有道無慚色耳較此似明白 汾水之右有左部城蓋劉淵為晉都尉

漏時所築也

又南過寇爵津

一作冠

汾津名也在介休縣之西南俗謂之雀鼠谷數十里間道隘水左右悉結偏梁閣道累石就路縈帶巖側

或去水一丈或高六丈

朱云按太平御覽引此云或去水一尺或高五六尺上

戴山阜下臨絕澗俗謂之魯般橋蓋通古之津隘矣

亦在今之地嶮也

元和志崔鼠谷在介休縣西十二里汾水在縣北十二里靈石縣本

介休地汾河在縣北十步

又南入河東界又南過永安縣西

故彘縣也

今為平陽府趙城縣

周厲王流于彘即此城也王莽

更名黃城漢順帝陽嘉三年改曰永安縣霍伯之都

也歷唐城東瓚注漢書云堯所都也東去彘十里汾

水又東與彘水合水出東北太岳山禹貢所謂岳陽

也即霍太山矣

在今趙城縣東北四十五里

山上有飛廉

朱云漏墓飛廉

三以善走事紂惡來

字 漏以

多力見知周王伐紂兼殺

惡來飛廉先為紂使北方還無所報乃壇于霍太山而致命焉得石棺銘曰帝令處父不與殷亂賜汝石

棺以葬死遂以葬於

朱云當作焉但作於亦通

霍太山有岳廟廟

甚靈鳥雀不棲其林猛虎常守其庭又有靈泉以供祭事鼓動則泉流聲絕則水竭湘東陰山縣有侯曇

山上有靈壇壇前有石井深數尺

疑當作丈

居常無水及

臨祈禱則甘泉湧出周用而已亦其比也瓠水又西

流逕觀阜北故百邑也原過之從襄子也受竹書於
王澤以告襄子襄子齋三日親自剖竹有朱書曰余
霍太山山陽侯天使也三月丙戌余將使汝反滅智
氏女亦立我于百邑也襄子拜受山神之命遂滅智
氏祠三神于百邑使原過主之世謂其處為觀阜也
羸水又西流逕永安縣故城南西南流注于汾水汾
水又南逕霍城東唐霍邑縣今為
霍州屬平陽府故霍國也昔晉獻
公滅霍趙夙為御霍哀公奔齊晉國大旱卜之曰霍

太山為崇使趙夙名霍君奉祀晉復穰也蓋霍哀公之故居也汾水又逕趙城西南穆王以封造父趙氏自此始也汾水又南霍水入焉水出霍太山發源成潭漲七十步而不測其深西南逕趙城南西流注于汾水

又南過楊縣東

故城在今平陽府洪洞縣東南一十八里

澗水東出穀遠縣西山西南逕楊縣霍山南又西逕故城北晉大夫僚公去安之邑也

朱曰郡國志云河東郡楊縣有高梁

亭晉羊舌大夫叔向邑也此云僚公去安誠所未詳炳巽按左傳昭公二十八年晉魏獻子分羊舌氏之田為三縣僚安為楊氏大夫則郡國志所云乃獻子未分時羊舌氏之故邑酈注所引則據既分而言何云未詳惟公去二字似屬衍文耳

應劭曰故楊侯國王莽更名有年

亭也其水西流入于汾水汾水逕楊城西不於東矣

魏土地記曰平陽

原本記作楊

郡治楊縣郡西有汾水南

流者是也

西南過高梁邑西

黑水出黑山西逕楊城南又西與渠山水會

明一統志黑山

在平陽府浮山縣北四十里黑水出焉亦名澇水西北流入于汾 山海經曰牛首之

山勞水出焉西流注于澇水疑是水也澇水即巢山

之水也水源東南出巢山東谷北逕浮山東又西北

流與澇水合亂流西北逕高梁城北高梁故城在今稷山縣東南三里

西流入于汾水又南逕高梁故城西故高梁之墟

也春秋僖公二十四年秦穆公納公子重耳於晉害

懷公於此竹書紀年晉出公三十年朱云竹書紀年作出公十三年

智伯瑤城高梁漢高帝十二年以為侯國封恭侯酈

介于斯邑也

按漢表作共侯酈疥

又東過平陽縣東

汾水又南逕白馬城西魏刑白馬而築之故世謂之

白馬城

在今平陽府東北二十里

今平陽郡治汾水又南逕平陽

縣故城東

城在今臨汾縣西南

晉大夫趙鼂之故邑也

左傳晉分祁氏

羊舌氏之田以趙朝為平陽大夫按鼂乃古朝字本通

應劭曰縣在平河之陽

堯舜並都之也竹書紀年晉烈公元年韓武子都平

陽漢昭帝封度遼將軍范明友為侯國

按漢書功臣表范明友封

平陵侯此云平陽未知孰是王莽之香平也晉立平陽郡即此矣

水側有堯廟前有碑魏土地記曰平陽城東十里汾

水東原上有小臺臺上有堯神屋石碑永嘉三年劉

淵徙漏都字平陽於汾水得白玉印方四寸高二寸二

分十六國春秋作一寸二分龍鈕其文曰有新寶之印王莽所造

也淵以為天授改永鳳二年為河瑞元年汾水南與

平水合水出平陽西壺口山尚書所謂壺口治梁及

歧也其水東逕狐谷亭北春秋時狄侵晉取狐厨者

也又東逕平陽城南東入汾俗以為晉水非也汾水

又南歷襄陵縣故城西

在今襄陵縣東南二十里名曰卻犇城

晉大夫

卻犇之邑也故其地有犇氏鄉亭矣縣蓋即陵以名氏也王莽更名曰幹昌也

又南過臨汾縣東

今為平陽府治及各屬縣

天井水出東陘山西南北有長嶺嶺上東西南有通道

即鉏蹬也穆天子傳曰乙酉天子西絕鉏蹬

按傳當作陘注

云即井鉏之山

西南至鹽

按傳作鹽注云鹽鹽池也今在河東解縣音古今竟作鹽誤

是

也其水三泉奇發西北流總成一川西逕堯城南又

西流入汾

又屈從縣南西流

汾水又經絳縣故城北竹書紀年梁武王

按竹書紀年當作惠

成王二十五年絳中地墉西絕於汾汾水西逕鹿祁宮

北宮地背汾而澮西則兩川之交會也今平陽府絳州南有鹿祁宮橫水有故梁截

汾水中凡有三十柱柱徑五尺裁與水平蓋晉平公之故梁也物在水故能持久而不敗也又西逕魏正

平郡南

今絳州本漢臨汾縣地後魏改曰正平并置郡

故東州治太和中皇

都徙洛置州立郡矣又西逕正橋澮水入焉

正橋朱云一作

王橋何云澮水西至王橋注于汾水經見後竟當作王

又西過長修縣南

汾水又西與古水合出臨汾縣故城西黃阜下其大

若輪西南流故黃溝出焉東注于汾今無水又西南

逕魏正平郡北又西逕荀城東古荀國也汲郡古文

晉武公滅荀以賜大夫原氏也古水又西南入于汾

汾水又西南逕長修縣故城南漢高帝十一年以為侯國封莊恬也有修水出縣南而西南流入汾汾水又西逕清原城北故清陽亭也城北有清原晉侯蒐清原作三軍處也汾水又逕冀亭南昔白季使過冀野見卻缺耨其妻饁之相敬如賓言之文公文公命之為卿復與之冀京相璠曰今河東皮氏縣有冀亭古之冀國所都也杜預釋地曰平陽皮氏縣東北有冀亭即此亭也汾水又西與華水合水出北山華谷

西南流逕一

一作于

故城俗謂之梗陽城非也梗陽在

榆次在此非

一曰非在此

按故漢上谷長史侯相碑曰侯

氏出自倉頡之後踰殷歷周各以氏分或著楚魏或

顯齊秦晉卿士為斯其裔也食采華陽蒲坂北亭

即是城也其水西南流注于汾汾水又逕稷山北

稷今

山縣因名為山

在水南四十里許山東西二十里南北三十

里高十三里西去介山一十五里山上有稷祠山下

稷亭春秋宣公十五年秦桓公治兵于稷以畧狄土

是也

按左傳宣公十五年秋七月秦桓公伐晉次于輔氏壬午晉侯治兵于稷以畧狄地此云秦桓

公治兵于稷恐訛

又西過皮氏縣南

今河津縣西二里有皮氏故城

汾水西逕鄧邱北

顧云鄧當作鄧顏師古曰鄧與葵同亦作葵漢舊儀作葵土宋史鎮

王元偓傳上登葵丘亭是也從邑癸聲朱箋作邑登亦當作癸

故漢氏之方澤也賈

遠云漢法三年祭地汾陰方澤澤中有方丘故謂之

方澤丘即鄧丘也許慎說文稱從邑登聲河東臨汾

地名矣在介山北山即汾山也其山特立周七十里

高三十里文穎言在皮氏東南則可三十里乃非也
今準此山可高十餘里山上有神廟廟側有靈泉祈
祭之日周而不耗世亦謂之子推祠揚雄河東賦曰
靈輿安步周流容與以覽于介山嗟文公而愍推兮
勤大禹於龍門師古曰禹鑿龍門以通河水故勤勞也晉太康記及地
道記與永初記並言子推所逃隱于是山即實非也
余案介推所隱者綿山也文公環而封之為介推田
號其山為介山杜預曰在西河介休縣者是也汾水

又西逕耿鄉城北故殷都也帝祖乙自相徙此為河
所毀故書叙曰祖乙圮于耿杜預曰平陽皮氏縣東
南耿鄉是也盤庚以耿在河北迫近山川乃自耿遷
亳後晉獻公滅之以封趙夙後襄子與韓魏分晉韓
康子居平陽魏桓子都安邑號為三晉此其一也漢
武帝行幸河東濟汾河作秋風辭於斯水之上汾水
又西逕皮氏縣南竹書紀年魏襄王十二年秦公孫
爰帥師伐我圍

按竹書
國字衍

皮氏翟章帥師救皮氏圍疾

西風十三年城皮氏者也漢河東太守潘係穿渠引汾水以溉皮氏縣故渠尚存今無水

又西至汾陰縣北西注于河

水南有長阜背汾帶河阜長四五里廣二里餘高十

丈汾水歷其陰西入河漢書謂之汾陰

隄漢書武帝紀元鼎四

年立后土祠于汾陰隄上蘇林云隄音誰如淳云隄者河之東岸特堆掘長四五里廣二里餘高十餘丈汾陰縣治之上后土祠在縣西汾在隄之北今滎河縣北有汾陰故城唐改汾陰曰寶鼎元和志汾水在寶鼎縣北二十五里舊經后土祠下西注于河應劭明慶隆四年東徙由河津縣葫蘆灘南入河

曰臚丘類也汾陰男子公孫祥望氣寶物之精上見祥言之于武帝武帝于水獲寶鼎焉遷于甘泉宮改

其年曰元鼎

按漢書郊祀志天子東幸汾陰汾陰男子公孫滂洋等見汾旁有光如絳上遂

立后土祠于汾陰臚丘上今云公孫祥說

又史記封禪書云汾陰巫錦為民祠魏臚后土營旁見地如鉤

狀指視得鼎鼎大異于衆鼎文鏤無款識怪之言吏

吏告河東太守勝勝以聞天子使使驗問巫得鼎無

姦詐乃以禮祠迎鼎至甘泉云云則得鼎者乃巫錦

聞于上者乃河東太守勝與公孫滂洋等見汾旁有

光立后土祠自是兩事並非一人且鼎得于祠旁地

上亦非武帝于水獲之今以兩事屬之一人似有訛

誤
即此處

禹貢錐指以今輿地言之靜樂陽曲太原清源交

城文水祁縣

並屬山西太原府

平遙汾陽介休孝義

並屬汾州

府靈石汾西霍州趙城洪洞臨汾襄陵太平絳州

曲沃稷山河津滎河

並屬平陽府

諸州縣界中皆汾水

之所經也

澮水出河東絳縣東澮交東高山

澮水在今平陽府翼城縣源出縣東烏嶺

山西流入于汾

澮水東出詳高山

按山西平陽府翼城縣有澮高山又名翔翔山詳疑當作翔

亦

曰河南山又曰澮山西逕翼城南按詩譜言晉穆侯

遷都于絳異

朱本作翼愚謂此屬衍字按竹書紀年云晉遷于絳原無翼字况孝侯乃穆侯

之孫竹書云孝侯八年晉侯在翼稱翼侯則穆侯時不當先有翼之名也孫孝侯改絳為

翼翼為晉之舊都也後獻公又北廣其城方二里又

命之為絳故司馬遷史記年表稱獻公九年始城絳

都左傳莊公二十六年晉士蔿城絳以深其宮是也

其水又西南合黑水嶺水導源東北黑水谷西南流

經翼城北右引北川水出平川南流注之亂流西南

入澮水澮水又西南與諸水合謂之澮交竹書紀年
曰莊伯十二年翼侯焚曲沃之禾而還作為文公也
又有賀水東出近川西南至澮交入澮又有高泉水
出東南近川西北趣澮交注澮又南紫谷水東出白
馬山白馬川遁甲開山圖曰絳山東距白馬山謂是
山也西逕滎何云當
作涇庭城南而西出紫谷與乾河合
即教水之枝川也史記白起傳稱起涉河取韓安邑
東至乾河是也其水西與田川水合水出東溪西北

至澮交入澮又有女家水出于家谷竹書紀年曰莊伯以曲沃叛伐翼公子萬救翼荀叔軫追之至于家谷有范壁水出于壁下並西北流至翼廣城昔晉軍北入翼廣以築之因即其姓以名之二水合而為西北流至澮交入澮澮水又西南與絳水合俗謂之白水也疑行非也水出絳山東至寒泉奮湧揚波北注二疑行縣流奔壑十一疑當作一十許丈青崖若點黛素湍如委練望之極為奇觀矣其水西北流注于澮應劭曰

絳水出絳縣西南蓋以故絳為言也史記稱智伯率
韓魏引水灌晉陽不沒者三版智氏曰吾始不知水

可以亡人國今乃知之汾水可以浸平陽絳水可以

浸安邑

何云平陽安邑俱錯誤當以戰國策汾水可以浸安邑絳水可以浸平陽為正通鑑注引

此及括地志駁正酈氏疑絳水不可以灌平陽之說頗詳

時韓居平陽魏居安邑

魏桓子肘韓康子韓康子履魏桓子肘足接於車上

而智氏以亡魯定公問一言可以喪邦有諸孔子以

為幾乎余覩智氏之談矣汾水灌平陽或亦有之絳

水浸安邑未識所由也

西過其縣南

春秋成公元年晉悼公

按竹書當是出公

謀去故絳欲居郇

瑕魏獻子曰土薄水淺不如新田有汾澮以流其惡

遂居新田

按左傳晉人謀去故絳乃成公六年不如新田亦韓獻子之言今云元年魏獻子並

誤又謂之絳即絳陽也

今平陽府絳州即晉故絳與新田之都

蓋在絳

澮之陽漢高帝六年封越騎將軍華無害為侯國

史記

功臣表華無害封絳陽侯漢書作絳度侯

縣南對絳山西背二水古文瓓

語曰晉平公與齊景公乘至于澮上見乘白驂八駟

以來有犬狸身而狐尾隨平公之車公問師曠對首

陽之神有犬狸身狐尾其名曰名曰二字一作逢君者飲酒得

福則徼之蓋于是水之上也朱箋按太平廣記引汲冢瑣語云晉平公至澮

上見人乘白驂八駟而來有狸身而狐尾去其車而墮公之車公問師曠師曠曰狸身而狐尾其名曰首

陽之神飲酒于霍太山而歸其逢君于澮乎君其有喜較此似明

又西南過虎祁宮南

宮在今平陽府曲沃縣西南四十九里

宮在新田絳縣故城西四十里晉平公之所構也時

有石言於魏榆晉侯以問師曠曠曰石不能言或憑
馬臣聞之作事不時怨讎動于民則有非言之物言
也今宮室崇侈民力彫盡石言不亦宜乎叔向以為
子野之言君子矣其宮也朱作地疑背汾面澮西則
兩川之交會也竹書紀年曰晉出公五年澮絕于梁
即是水也

又西至王橋注于汾水

晉智伯瑤攻趙襄子襄子奔保晉陽原過後至過三

人于此澤自帶以下不見持竹二節與原過曰為我遺無邨原過受之於是澤所謂王澤也

涑水出河東聞喜縣東山黍葭谷

聞喜縣今屬平陽府涑水自絳縣徑聞喜

夏縣安邑臨晉猗氏縣界至蒲州東南入黃河

涑水所出俗謂之華谷至周陽與洸水合水源東出清野山世人以為清襄山也其水東大嶺下西流出

此句有訛誤謂之唵口又西合涑水鄭使子產問晉平公

疾平公曰卜云臺台為祟史官莫知敢問子產曰高

辛氏有二子長曰闕伯季曰實沈不能相容帝遷闕伯于商丘遷實沈於大夏臺台實沈之後能業其官帝用嘉之國汾川由是觀之臺台汾洮之神也賈逵曰汾洮二水名司馬彪曰洮水出聞喜縣故王莽以縣為洮亭也然則涑水殆亦洮水之兼稱乎

又西過周陽邑南

其城南臨涑水北倚山原竹書紀年晉獻公二十五年正月翟人伐晉周

漏陽字

有白兔舞于市即是邑也

按竹書紀年獻公元年王如成周周陽白兔舞于市
二十五年正月狄人伐晉自是兩事今并為一年疑

誤漢景帝以封田勝為侯國也

按史記表田勝封周陽侯索隱曰縣名屬

上郡但上郡有陽周而無周陽且涑水所行之道俱
在河東郡諸縣界中與上郡相隔遠必非經行之
地若謂河東自有一周陽縣則地理諸書具在無從查核所不解矣

陂南

董澤在今聞喜縣東北四十里一名董池陂

即古池東西四里南北

三里春秋文公六年蒐于董澤即斯澤也涑水又與

景水合水出景山北谷山海經曰景山南望鹽販之

澤北望少澤其草多藟蓀秦椒其陰多赭其陽多玉

郭景純曰鹽販之澤卽解縣鹽池也按經不言有水
今有水焉西北流注于涑水也

又西南過其縣南

涑水又西逕仲邨鄉北又西逕桐鄉城北竹書紀年

曰翼侯伐曲沃大捷武公請城

按竹書
作成

于翼至洞庭

朱云當
作過

乃返者也

按竹書云武公請成于翼
至相而還注云相一作桐

漢書曰

漢武帝元鼎六年將幸緱氏至左邑桐鄉聞南越破
以為聞喜縣者也涑水又西與沙渠水合水出東南

近川西北流注於涑水涑水又南逕左邑縣故南城

當作城南或故下漏城字

故曲沃也晉武公自晉陽徙此秦改為

左邑縣詩所謂從子于鵠者也春秋傳曰下國有宗廟謂之國在絳曰下國矣即新城也王莽之泚亭也

漢志作莽曰兆亭

涑水自城西注水流急濬輕津無緩故詩

人以為激揚之水言不能流移東薪耳水側即狐突遇申生處也春秋傳曰秋狐突適下國遇太子太子

使登僕

左傳作使登僕注云忽如夢而相見狐突本為申生御故復使登車為僕

曰夷吾

無禮吾請帝以畀秦對曰神不歆非類君其圖之君

曰諾請七日見我于新城西偏及期而往見于此處

故傳曰鬼神所憑有時而信矣

按二語乃杜注非傳文注云傳言鬼神所

憑有時而信矣改言作曰
便似傳文當作言為是

涑水又西逕王官城北在

南原上春秋左傳成公十三年四月晉侯使呂相絕

秦曰康猶不悛入我河曲伐我涑川俘我王官故有

河曲之戰是矣今世人猶謂其城曰王城也

王官城
在今曲

沃縣西

南二里

又西南過安邑縣西

安邑今屬平陽府

安邑禹都也禹娶塗山氏女思戀本國築臺以望之
今城南門臺基猶存余案禮天子諸侯臺門隅阿相

降而已未必一如書傳也故晉邑矣春秋時魏絳原本

訛作

自魏徙此

朱引漢志云魏絳自魏徙安邑至惠王徙大梁

昔文侯縣師

經之琴于其門以為言戒也

朱引劉向說苑云師經鼓琴魏文侯起舞曰使

吾言而無見違師經援琴而撞文侯中旒潰之文侯將烹經經曰堯舜惟恐言之而人不違桀紂惟恐言而人違之臣撞桀紂非撞吾君也文侯令縣琴于城門以為寡人戒
武侯二年又城安

邑蓋增廣之秦始皇使左更白起取安邑置河東郡

王莽更名洮陽

漢志河東郡莽曰兆陽

縣曰河東也有項寧都

學道昇仙忽復還此河東號曰升仙

朱引王充論衡作項曼都號曰

升仙漢世又有閔仲叔隱遁市邑罕有知者後以識瞻

而去

朱引皇甫謐高士傳云閔貞字仲叔太原人客居安邑老病家貧不能得肉日買豬肝一片其

令聞之令吏常給焉仲叔知而嘆曰我豈以口腹累安邑耶遂去較此似明

涑水又西南

逕監

朱云疑作鹽

鹽縣故城城南有鹽池水承

朱云脫一之字鹽

水出東南薄山

何校通鑑注作上承鹽水水出東南薄山

西北流逕巫咸

山北地理志曰山在安邑縣東海外西經曰巫咸在

女丑北右手操青蛇左手操赤蛇在登葆山羣巫所

從上下也大荒西經曰大荒之中有靈山巫咸

按山海經

咸下尚有即巫盼巫彭巫姑巫貞巫孔

山海經作巫禮

巫抵

巫謝巫羅十巫從此升降百藥爰在郭景純曰言羣

巫上下靈山採藥往來也蓋神巫所遊故山得其名

矣谷口嶺上有巫咸祠其水又逕安邑故城南又西

流注於鹽池地里志曰鹽池在安邑西南許慎謂之

鹽鹽長五十一里廣六里周一百一十四里從鹽古

聲

朱箋今許氏說文解鹽字云鹽鹽池也在河東表五十一里廣七里周百十六里從鹽省古聲呂

宿曰沈沙煮海謂之鹽河東鹽池謂之解鹽今池水

東西七十里南北十七里紫色澄渟渾而不流水出

石鹽自然印成朝取夕復終無減損唯水暴雨澍甘

何校增澤清二字

潦奔迭則鹽池用耗故公私共竭水徑防

其淫濫故謂之鹽水亦為竭水也故山海經謂之鹽

販之澤也

明一統志山西平陽府安邑縣有鹽池生乳鹽唐大厝中賜名寶應虔靈也

澤

南面層山天巖雲秀池

一作地

谷泉深左右壁立間不

容軌

原本訛作軌

謂之石門路出其中名之曰徑南通上

陽北墜鹽澤池西又有一池謂之女鹽澤東西二十

五里南北二十里在猗氏故城南春秋成公六年晉

謀去故絳大夫曰郇瑕地沃饒近鹽

左傳作沃饒而近鹽

服虔

曰土平有溉曰沃鹽鹽也土人鄉俗引水裂

疑沃麻

分灌川野畦水耗竭土自成鹽即所謂鹽鹹也而味

苦號曰鹽田鹽鹽之名始資是矣本司鹽都尉治領

兵一千餘人守之周穆王漢章帝並幸安邑而觀鹽池故杜預曰猗氏有鹽池後罷尉司分猗氏安邑置縣以守之

又南過解縣東又西南注于張陽池

解縣今為平陽府解州

涑水又西逕猗氏縣故城北春秋文公七年晉敗秦于令狐至于剗首先茂奔秦士會從之闕駟曰令狐即猗氏也剗首在西三十里縣南對澤即猗頓之故居也孔叢子曰猗頓魯窮士也耕則常飢桑則常寒

聞朱公富往而問術焉朱公告之曰子欲速富當畜

五特

特當是特孔叢子陳士義子欲速富當畜五特說苑愚公畜特牛生子而大賣之而買駒史記

平準書天下亭亭有畜特馬歲課息齊民要術五特者牛馬猪羊驢俱作特無作特者於是乃

適西河大畜牛羊於猗氏之南十年之間其息不可

計貲擬王公馳名天下以興富於猗氏故曰猗頓也

明一統志猗頓故居在平陽府猗氏縣境涑水又西逕郇城詩云郇伯勞

之蓋其故國也杜元凱春秋釋地云今解縣西北有

郇城服虔曰郇國在解縣東郇瑕氏之墟也余按竹

書紀年云晉惠公十有五年

按史記晉世家秦納重耳乃惠公十四年況惠

公于十四年九日卒豈猶有十五年之理乎緣竹書紀年係之于十五年下故注云兩殊不知此十五年

乃周襄王之十五年惠公于襄王二年即位為元年襄之十五年正惠之十四年與史記合注不深考論

作十五年耳秦穆公率師送公子重耳圍令狐桑泉白衰

皆降為朱本作馬秦師狐毛與先軫禦秦至于廬柳董云降為

舊本作馬朱本據竹書改作為疑當作於又按晉禦者乃呂甥冀芮非狐毛先軫也何云有脫誤秦師

疑作晉使然考之左傳則狐毛亦從重耳者也乃謂二字疑衍秦穆公使公子繫

來與師言退舍次于郕盟于軍京相璠曰春秋土地

名桑泉白哀並在解東南不言解明不至解可知春秋之文與竹書不殊今解故城東北二十四里有故城在猗氏故城西北鄉俗名之曰郇城考服虔之說又與俗符賢于杜氏單文孤證矣涑水又西南逕解縣故城南春秋晉惠公因秦返國許秦以河外王城

按左傳僖公十五年賂秦伯以河外列城五東盡虢畧南及華山內及解梁城則王城當作五城內

及解梁即斯城也涑川一作水又西南逕瑕城晉大夫

詹嘉之故邑也春秋僖公三十年春晉圍鄭鄭伯使

燭之武謂秦公曰晉許君焦瑕朝濟而夕設版者也

京相璠曰今河東解縣西南五里有故瑕城涑川一作

水又西南逕張陽城東竹書紀年齊師逐鄭太子齒

奔城張陽今竹書無陽字南鄭者也漢書之所謂東張矣高

祖二年按史記曹相國世家作三年曹參假左丞相別與韓信東

攻魏將孫林邀軍東張大破之按史記云東攻魏將孫邀軍東張今孫下

多林字邀蘇林曰屬河東即斯城也涑水又西南屬于

陂陂分為二城兩面兩陂左右澤渚東陂世謂之晉

興澤東西二十五里南北八里南對鹽道山

明一統志作檀

道山在解州南五里與中條山連接中有鴛漿泉疑即此山也

其西則石壁千尋東

則磻溪萬仞方嶺雲迴奇峰霞舉孤標秀出罩絡羣

山之表翠柏蔭峰清泉濯頂郭景純云世所謂鴛漿

也發于上而潛於下矣厥頂方平有良藥神農本草

曰地有固活女踈銅芸紫苑之族也是以緇服思玄

之士鹿裘念一之夫代往遊馬路出北巘勢多懸絕

來去者咸援蘿騰崖

朱云疑作蕨

尋葛降深於東則連木

乃陟百梯方降巖側縻鎖之跡仍今存焉故亦曰百梯山也水泉山北流五里而伏云潛通澤渚所未詳也西陂即張澤也西北去蒲坂一十五里東西二十里南北四五里冬夏積水亦時有盈耗也

文水出大陵縣西山文谷東到其縣屈南到平陶縣東

北東入于汾

大陵縣今為山西太原府文水縣平陶故城在今文水縣西南二十五里明一統

志文水發源石州方山界流入交城縣界歷榆城流入文水縣南入于汾

文水逕大陵縣故城西而南流有泌何云疑沁水注之水

在文水縣北山下東南注
文水寰宇記謂之神福泉
縣西南山下武氏穿井給

養井至幽深後一朝水溢平流東南注文水又南逕

平陶縣之故城東西逕其城內南流出郭王莽更曰

多穰也文水又南逕縣右會隱泉口水水下疑謁泉

山之上頂謝云當作謁泉山之頂上按明一統

有石窟號隱堂洞去地五十餘丈山壁峭
立有泉隱沒而不恒流疑即謁泉山也
俗云暘雨

愆時是謁是禱故山得名非所詳也其山石岸地

嶮朱箋御覽引此作壁立天固崖平疑當有一石室

去地可五十餘丈爰有層松飾巖列柏綺望唯西側
一處得歷級升陟頂上平地一十許頃沙門釋僧光
表建二剎泉發於兩寺之門東流瀝石沿注山下又
一作東津渠隱沒而不恒流故有隱泉之名矣雨澤

豐澍則通入文水又南逕茲氏縣故城東為文湖東
西一十五里南北三十里世謂之西河在縣直東一
十里湖之西側臨湖又有一城謂之豬城水澤所聚
謂之都亦曰豬盖即水以名城也文湖又東逕中陽

縣故城東案晉書地道記太康地記西河中有陽縣
舊縣也文水又東南流與勝水合水出西狐岐之山
東逕六壁城南魏朝舊置六壁於其下防離石諸胡
因為大鎮太和中罷鎮仍置西河郡焉勝水又東合
陽泉水出西山陽溪東逕六壁城北又東南流注于
勝水勝水又東逕中陽故城南又東合文水文水又
東南入于汾水也

原公水出茲氏縣西羊頭山東過其縣北

茲氏縣今為山西汾州孝

義縣羊頭山在州西北一十五里以形似名原公
水源出州城西北三十里白彪山一名賀魯水

縣故秦置也漢高帝更封沂陽侯嬰為侯國

按史漢表高帝

時從無茲氏侯之封且名嬰者惟夏侯嬰灌嬰陳嬰
三人然夏侯封汝陰陳封堂邑灌封潁陰亦無沂陽
之封不知此
句何所本也王莽之茲同也魏黃初二年西河恭王

司馬子盛廟碑文云西河舊處山林漢末擾攘百姓
失所魏興更開疆宇分割太原四縣以為邦邑其郡

帶山側塞矣王以咸寧四年改命爵土其年十二月

喪國

疑當作棄國按晉書宗室傳司馬斌初封陳王於咸寧三年改封西河王四年薨疑即此也但

傳字子政謚終咸寧三年改封而此字子勝謚恭咸寧四年封似有不同然舍此又別無封西河王者所未詳也
臣太農閻崇離石令宗羣等二百三十四人刊

石立碑以述勲德碑北廟基尚存也

又東入于汾

水注文湖不至汾也

洞渦水出沾縣北山

沾縣今為太原府樂平縣明一統志洞渦水源出樂平縣西四十

里陔泉嶺至平定州合淳化水西流至壽陽縣界合黑水經榆次合涂水又西至徐溝縣入汾水

其水西流與南溪水合水出南山西北流注洞渦水

又西北黑水西出山三合源舍同歸一川

朱箋宋本作合三源

同歸一川無舍字

東流南屈受陽縣故城東按晉太康地記

樂平郡有受陽縣盧諶征艱賦所謂歷受陽而總轡者也其水西南入洞渦水又西蒲水南出蒲谷北流注之于洞渦又西與原過水合近北便水流也水西

阜上有原過祠

朱箋史記趙世家襄子南并智氏強于韓魏遂祠三神于百邑使原過主

霍泰山祠祀括地志云三神祠今名原過祠在霍山側

蓋懷道協靈受書天使

憂結宿情傳芳後日棟宇雖淪攢木猶茂故層嵒水

取名焉其水南流注于洞渦水也

西過榆次縣南又西到晉陽縣南

榆次縣今屬太原府
晉陽縣今為太原縣

榆次縣故塗水鄉晉大夫智徐吾之邑也春秋昭公

八年晉侯築虎祁之宮有石言晉之魏榆

左傳昭公八年春石

言于晉魏榆晉侯問于師曠曰石何故言對曰石不能言或憑焉不然民聽濫也抑臣又聞之曰作事不時怨讟動于民則有非言之物而言今宮室崇侈民力彫盡怨讟并作莫保其性石言不亦宜乎於是晉侯方築虎

祁之宮

服虔曰魏晉邑榆州里名也漢書曰榆次

十三州志以為塗陽縣矣王莽之太原亭也縣南側

水有鑿臺韓魏殺智伯瑤於其下刳腹絕腸折頭措
頤處也其水又西南流逕武觀城西北盧諶征艱賦
曰逕武館之故郭問厥墮之遠近洞渦水又西南為
淳湖謂之洞渦津澤而涂水注之

明一統志涂水二
俱在榆次縣大涂

水發源縣東南一百二十里西北流入洞渦水小
涂水發源縣東南八十里鷹山西流入大涂水

出陽邑東北大嶸山涂谷西南逕蘿磬

一本
作磨

亭南與

蔣谷水合水出縣東南蔣溪魏土地記曰晉陽城東
南一百一十里至山有蔣谷大道度軒車嶺通于武

鄉水自蔣溪西北流西逕箕城北

箕城在太谷縣東三十五里春

秋僖公三十三年晉人敗狄于箕杜預釋地曰城在

陽邑南水北即陽邑縣故城也竹書紀年曰梁惠成

王九年與邯戰榆次陽邑者也

按竹書紀年云我與邯鄲榆次陽邑戰字

誤王莽之繁穰矣蔣溪又西合涂水亂流西北入洞

渦澤也

西入于汾出晉水下口者也

劉琨之為并州也劉淵引兵邀擊之合戰于洞渦即

是水也

晉水出晉陽縣西懸壅山

晉水出太原縣西南一十里懸壅山流分三派其北一派

即智伯渠次一派東流經晉澤南南派東流並入汾水懸壅山海經作雍注云音甕在太原縣西一十里一名龍山又名結紉山晉水所出因山腹有巨石如甕故名

縣故唐國也春秋左傳稱唐叔未生其母邑姜夢帝

謂已曰余名而子曰虞將與之唐屬之參及生名之

曰虞呂氏春秋曰叔虞與成王居王援桐葉為珪以

授之曰吾以此封汝虞以告周公周公請曰天子封

虞乎王曰余戲耳公曰天子無戲言時唐滅乃封之
于唐縣有晉水後改名為晉故子夏叙詩稱此晉也
而謂之唐儉而用禮有堯之遺風也晉書地道記及
十三州志並言晉水出龍山一水疑當作名結紉山在縣
西北非也山海經曰懸壅之山晉水出焉今在縣之
西南昔智伯之過晉水以灌晉陽其川上溯後人踵
其遺蹟畜以為沼沼西際山枕水有唐叔虞祠水側
有涼堂朱引御覽作涼臺結飛梁於水上左右雜樹交陰希

見曦景至有淫朋密友羈遊宦子莫不尋梁契集用
相娛慰于晉川之中寢為勝處

又東過其縣南又東入于汾水

湖

疑作汾

水分為二流北瀆即智氏故渠也昔在戰國

襄子保晉陽智氏防山以水之

此句疑有訛誤

城不沒者三

版與韓魏望歎于此故智氏用亡其瀆乘高東北注

入晉陽城以周圍溉漢末赤眉之難郡掾劉茂負太

守孫福之于

謝云宋本作匿于

城門西下空穴中其夜奔孟

原本
訛孟

即是處也東南出城流注于汾水也并南瀆于

石塘之下伏流逕舊溪東南出逕晉陽城南城在晉

水之陽曰晉陽矣經曰晉荀吳帥師敗狄于大鹵杜

預曰大鹵晉陽縣也為晉之舊都春秋定公十三年

趙鞅以晉陽叛後乃為趙矣其水又東南流入于汾

元和志懸甕山一名龍山在晉陽縣西南十二里晉

水初泉出處砌石為塘自塘東分為三派其北一派

名智伯渠東北流入州城中出城入汾水其次派東

流逕晉澤南又東入汾此即酈元所言分為二派者

也其南派隋開皇四

年開東南流入汾水

湛水出河內軹縣西北山

軹縣今為河南懷慶府濟源縣其故城在縣南一十三里

今名軹村

湛水出軹縣南源湛溪俗謂之湛水也是蓋聲盡鄰

何云疑有脫誤

故字讀俱變同于三豕之誤耳其水自溪之

南流

東過其縣北又東過波縣之北

波當作汲說見後朱改皮亦非

湛水南逕向城東而南注

又東過毋辟邑南

源

疑作原

經所注斯乃汨川之所由非湛水之間關也

是經之誤證耳湛水自向城東南逕湛城東時人謂之湛城亦或謂之隰城矣溪曰隰澗隰城在東言此非矣後漢郡國志曰河陽縣有湛城是也

又東南當平陰縣之東北南入于河

湛水又東南逕鄧南流注于河故河濟有鄧津之名矣

水經注集釋訂訛卷六

欽定四庫全書

水經注集釋訂訛卷七

歸安沈炳巽撰

濟水一

濟水出河東垣縣東王屋山為沆水

王屋山在今河南懷慶府濟源縣西

北八十里本漢軹縣屬河內郡隋改置濟源縣縣西有王屋故城後周所置本垣縣地元和志云王屋山在王屋縣北十五里元省縣入濟源故濟源有王屋山西南接垣曲縣界垣曲故垣縣也

山海經曰聯水出焉西北流注于泰澤郭景純云聯

沈聲相近即沈水也潛行地下至共山

在濟源縣北十二里

南

復出于東丘今原城東北有東丘城

括地志云沈水出王屋山頂崖

下石泉渟而不流其深莫測既見而伏至濟源縣西北二里平地其源重發而東南流

孔安國

曰泉源為沈流去為濟春秋說題辭曰濟齊也齊度

也員也

一作貞

風俗通曰濟出常山房子縣贊皇山廟

在東郡臨邑縣濟齊其度量也余按二濟同名也所

出不同鄉源亦別斯乃應氏之非矣今濟水重源出

温城西北平地水有二源東源出原城東北昔晉文

公伐原以信而原降即此城也俗以濟水重源所發
因復謂之濟源城其水南逕其城東故縣之原鄉杜
預曰沅水縣西北有原城者也是南流與西源合西
源出原城西東沅水注之水出西南東北流注于濟
禹貢錐指曰元和志濟水在濟源縣東北三里其
深莫測西源周圍六百八十五步深一丈皆繚之
以周墻李瀟遊濟瀆記云濟瀆廟後有池是為東
池即東源周僅百餘步池西有石橋橋西為西池

周如東池舊記濟水出王屋山頂太乙池伏流地
中東行九十里復見于此其太乙池今已涸矣劉
漪西源辨曰濟水二源舊志惟以廟垣石橋為界
按水經注二源一在原城東北一在原城西南為
地殊遠不可以一橋之界遂分東西而謂二源俱
在是也意此為池之東源信矣池西二里又有一
源舊稱為龍潭時出時沒不關水旱下流經濟廟
南會池水於東北當是西源無疑也

濟水又東逕原城南東合北水亂流東南注分為二

水一水東南流俗謂之為衍水即沔水也衍沔聲相

近傳呼失實也濟水又東南逕郟城

今懷慶府河內縣西南有緇城

北元和志濟水經河內縣西南去縣三十里

而出於温今屬懷慶府

矣其一水

枝津南流注于溲

明一統志溲水在濟源縣其源有三一出原山俗呼為白澗水一出

縣二十里曲陽城西南山一出陽城南溪俱東南流與沔水合又東南至温縣入于黃河水出原

城西北原山勳掌谷俗謂之為白澗水南逕原城西

春秋會于溲梁謂是水之墳梁也爾雅曰梁莫大於

涇梁梁水堤也涇水又東南逕陽城東與南源合水

出陽城南溪陽亦樊也一曰陽樊國語曰王以陽樊

賜晉陽人不服文公圍之倉葛曰陽有夏商之嗣疑當

作祀典樊仲之官守焉君而殘之無乃不可乎公乃出

陽人春秋樊氏叛惡

案左傳莊公二十九年樊皮叛王杜注樊皮周大夫樊其采地

皮名今云樊氏則以采地為氏矣當從傳皮為是惡朱本改作惠亦誤當是王字王使虢公

伐樊執仲皮歸于京師即此城也其水東北流與漫

流水合水出軹關南東北流又北注于漫謂之漫流

口溟水又東合北水亂流東南左會濟水枝渠溟水
又東逕鍾繇塢北世謂之鍾公壘又東南塗溝水注
之水出軹縣西南山下北流東轉入軹縣故城中又
屈而北流出軹郭漢武帝元年封薄昭為侯國也

書外戚恩澤侯表孝文元年封薄昭為軹侯今云武帝誤又東北流注于溟溟水

又東北逕波縣故城北孫云波縣當作汲縣按史表高帝十一年封公上不害為

汲侯索隱曰汲縣屬河內郡汲縣在衛輝府西南二十五里漢高帝封公上不害

為侯國溟水又東南流天漿水澗水注之水在軹南

畢

朱箋宋本作畢

向城

今在開封府尉氏縣西南

北在畢上俗謂之韓王

城非也京相璠曰或云今河內軹西有地名向今無

杜元凱春秋釋地亦言是矣蓋相襲之向故不得以

地名而無城也闕駟十三州志曰軹縣南山西曲有

故向城即周向國也傳曰向姜不安于莒而歸者矣

汲郡竹書紀年曰鄭侯使韓辰歸晉陽

按竹書紀年陽下尚有一

及字向二月城陽向更名陽為河雍向為高平即是城

也其水有二原俱導各出一溪東北流合為一川名

曰天漿溪又東北逕一故城俗謂之治城亦曰治水
又東流注于溟溟水又東南流右會同水水出南源
下東北流逕白騎塢南塢在原上為二溪之會北帶
深隍三面岨嶮唯西被宋本築而已東北流逕安國
城西又東北注溟水溟水東南逕安國城東又南逕
毋辟邑西世謂之無北城亦曰馬驪城皆非也朝廷
以居廢太子謂之河陽庶人也溟水又南注於河也
又東至溫縣西北為濟水又東過其縣北

濟水於温城西北與故瀆分南逕温縣故城西周畿

內國司寇蘇忿生之邑也春秋僖公十年秋

按春秋僖公十

年秋滅温温子奔衛今云秋誤

滅温温子奔衛周襄王以賜晉文公

濟水南歷虢公臺西皇覽曰温城南有虢公臺基趾

尚存

虢公臺在温縣治西南周封虢仲之地因名晉宣帝過故邑嘗進温父老宴賀于此故又名賀

臺酒濟水南流注于河郭緣生述征記曰濟河內温縣

注于河盖沿歷之實證非為謬說也濟水故瀆於温

城西北東南出逕温城北又東逕虢公冢北皇覽曰

號公冢在溫縣郭東濟水南大冢是也濟水當王莽
之世川瀆枯竭其後水流逕通津渠勢改尋梁脉水

不與昔同

胡云按濟水故瀆即漢志所謂東南至武德入河者蓋禹迹也第五卷河水注云成

臯大伾山在河內修武武德之界濟沆之水與滎播澤出入自此即經所謂濟水從北來注之者今濟水自溫縣入河於此也所入者奉溝水耳即濟沆之故瀆矣正與此相發明濟水于武德入河南直成臯今汜水河陰之界是也其後由溫縣入河則南直鞏縣所謂津渠勢改不與昔同者也今其故道又盡陷河中濟水惟從枝津之合溟水者至孟縣東南入河南直孟津縣其流益短矣由大禹而來濟之入河凡

再變

屈從縣東南流過墳城

今在溫縣界黃河在溫縣南與河南府鞏縣分水鞏縣故城在

今縣西南三十里

西又南當鞏縣北南入于河

濟水故瀆東南合奉溝水水上承朱溝於野王城西

東南逕陽鄉城北又東南流逕李城西秦攻趙邯鄲

且降傅舍吏子李同說平原君勝分家財饗士得敢

死者三千人李同與赴秦軍秦軍退李同死封其父

為李侯故徐廣曰河內平臯縣有李城即此城也于

城西南為陂水淹地百許頃蕪葭萑葦生焉號曰李

陂又逕墳城西屈而東北流逕其城北又東逕平臯

城南

平臯故城在今懷慶府城東左傳赤翟
伐晉圍祁丘注云今河內平臯縣是也

應劭曰

邢侯自襄國徙此當齊桓公時衛人伐邢邢遷于夷
儀其城屬晉號曰邢丘以其在河之臯處勢平夷故
曰平臯瓚注漢書云春秋狄人伐邢邢遷夷儀不至
此今襄國西有夷儀城去襄國一百餘里平臯是邢
丘

朱作邢是丘
名非國也

非國也余案春秋宣公六年赤狄伐

晉圍邢丘昔晉侯送女于楚送之邢丘即是此處也

非無城之言竹書紀年曰梁惠成王三年鄭城邢丘

司馬彪後漢郡國志云縣有邢丘故邢國周公子所

封矣漢高帝六年封碭郡長項它為侯國賜姓劉氏

按史記表項它是七年封武帝以為縣其水又南注于河也

與河合流又東過成臯縣北

即春秋之虎牢漢置縣屬河南郡今為汜水縣又

東過滎陽縣北

此猶合河濟而言之也即孔傳所云濟水入河並流數十里而南截河又並流

數里溢為滎澤者自下專言濟水

又東至北礫溪南

胡云北礫溪未詳蓋在河南濟北其

于河者水西注東出過滎陽北

本韓滎陽邑漢為縣今滎澤河陰二縣皆其地

釋名曰濟濟也源出河北濟河而南也晉地道志曰
濟自大伾入河與河水關南洑為滎澤尚書曰滎波
既豬孔安國曰滎波水以成豬闕駟曰滎波嶠音波
澤名也故呂忱云嶠水在滎陽也疑字謂是水也昔
大禹塞其淫水而于滎陽下引河東南以通淮泗濟
水分河東南流漢明帝之世司徒伏恭薦樂浪人王
景字仲通好學多藝善能治水顯宗詔與謁者王昊
始作浚儀渠昊用景法水乃不害此即景作所修故

瀆也渠流東注浚儀

今河南開封府祥符縣

故復謂之浚儀渠

也明帝永平十五年東巡至無鹽帝嘉景功拜河堤

謁者漢靈帝建寧四年于敖城西北壘石為門以遏

渠口謂之石門

石門即賈讓所謂滎陽漕渠也其故水門但用木與土至是壘石為之

世亦謂之石門水門廣十餘丈西去河三里石銘云

建寧四年十一月黃場石也而主吏姓名磨滅不可

復識魏太和中又更修之撤故增新石字淪落無復

在者水北有石門亭戴延之所云新築城周城三百

步榮陽太守所鎮者也水南帶三錐指三下山即皇

室山亦謂之為三室山也

郡國志注引西征記云榮陽有廣武城在三皇山上

或謂之
三室山

濟水又東逕西廣武城北

廣武山在今榮澤縣西二十里接河陰縣界劉昭云山有

二城曰東廣武西廣武各在山一頭相去二百步明
統志云廣武三皇二山相聯其上有東西二城即楚漢
相拒處

郡國志榮陽縣有廣武城城在山上漢所城也高祖

與項羽臨絕澗對語責羽十罪羽射漢祖中脅處也

山下有水北流入濟世謂之柳泉也

濟水又東逕東廣武城北

楚項

下脫羽字

城之漢破曹咎羽還廣武為高祖置太公

其上曰漢不下吾烹之高祖不聽將害之項伯曰為

天下者不顧家但益怨耳羽從之今名其壇曰項羽

堆亦

疑有訛闕
朱本作夾

城之間有絕澗斷山謂之廣武澗項

羽叱婁煩於其上婁煩精魄喪歸矣

濟水又東逕敖山北

敖山有城秦置倉于其中故亦曰
敖倉城括地志云敖倉在滎澤縣

西北十五里石門之東北臨汴水南帶三皇山按今滎澤縣在隋縣南五里則教城東南去今縣當二十里也

詩所謂薄狩于敖者也其山上有城即殷帝仲丁之所遷也皇甫謐帝王世紀曰仲丁自亳徙囂于河上者也或曰敖矣秦置倉於其中故亦曰敖倉城也

濟水又東合滎瀆

朱本作滎澤

瀆首受河水有石門謂之為滎口石門也

石門南際河有故碑

云陽嘉三年立激岸側以捍鴻波按蘇代曰決滎口魏無大梁即此處也首受河水以上承河陰石門水而言然昔人導澤水以為川從此而出故謂之滎口石門禹貢錐指注又曰河陰石門漢建寧四年立在

教城西北滎口石門漢陽嘉三年立
在教山東時地各別近志混而為一大謬
而地形殊卑

蓋故滎播

孫云書作滎波

所道自此始也門南際河有故碑

云惟陽嘉三年二月丁丑使河堤謁者王誨疏達河

川遂荒庶土云大河衝塞侵蓄金堤以竹籠石葺葦

土而為遏壞隕無已功消億萬請以濱河郡徒疏山

采石壘以為鄣功業既就徭役用息未詳

朱云玉海引此文無

未詳二字疑衍

詔書許誨立功府鄉規基經始詔策加命遷

在沈州乃簡朱軒授使司馬登令縉茂前緒稱遂休

功登以伊洛合注大河南則緣山東過大伾回流北

岸

何云疑
有脫文

其勢鬱鬱濤怒湍急激疾一有決溢彌原

淹野蟻孔之變害起不測蓋自姬氏之所常感昔崇
繇所不能治我二宗之所劬勞于是乃跋涉躬親經
之營之比率百姓議之于臣伐石三谷水匠致治立
激岸側以捍鴻波隨時慶賜說以勸之川無滯越水
土通演役未踰年而工程有畢斯乃元勲之嘉課上
德之弘表也昔禹修九道書錄其功后稷躬稼詩列

于雅夫不憚謙之勤夙興厥職充國惠民安得湮沒而不章焉故遂刊石記功垂示于後其辭云云使河堤謁者山陽東昏司馬登字伯志代東萊典城王誨

字孟堅河內太守守城向豺

何校守作宋豺作豹

字伯尹丞汝

南鄧方字德山懷令劉丞字季意河堤掾匠等造陳留浚儀邊韶字孝先頌石銘歲遠字多淪致其所滅盖闕如也滎瀆又東南流注于浦今無水次東得宿須水口水受大河渠側有扈城水自亭東南流注于

濟水今無水宿須在河之北不在此也蓋名同耳自西緣帶山隰秦漢以來亦有通否濟水與河渾濤東注晉太和中桓溫北伐將通之不果而還義熙十三年劉公西征又命寧朔將軍劉遵考仍此渠而漕之始有激湍東注而終山崩壅塞劉公於北十里更鑿故渠通之合則南瀆通津川澗是導耳濟水於此又兼邨目春秋宣公十三年晉楚之戰楚軍于邨即是水也昔卞

何云疑有脫誤

京相璠曰在敖北

濟水又東逕滎陽縣北

上文東過滎陽縣北謂河濟並流此專指濟水而言宋白續

通典云滎陽故城在滎澤縣南十七里今按滎澤縣北五里有滎澤故城隋置明洪武八年為河水所圯移今

治是滎陽故城東北去今治止十二里也

曹太祖與徐滎戰不利曹洪授馬于此處也

朱箋魏志太祖

起義兵討董卓至滎陽為卓將徐滎所敗太祖失馬賊追甚急曹洪下以馬授太祖渡汴水奔譙

濟水又東南礫石溪水注之

胡云按又東二字為句石字衍觀注云經所謂礫溪

可知上有北礫溪故此為南礫溪余兄東甫云按下文礫石澗則石字似未可云衍或注脫石字耳且前此北

礫溪既云未詳則亦安知更有南礫溪耶以南字屬下亦恐未安

水出滎陽城西南李澤澤中有水即古馮池也地理志曰滎陽縣馮池在西南是也東北流歷敖山南春秋晉楚之戰設伏于敖前謂是也逕虢亭北池水又東北逕滎陽縣北斷山東北注于濟世謂之礫石澗即經所謂礫溪矣經曰濟出其南非也

濟水又東索水注之

索水源出開封府滎陽縣小徑山北流入京水

水出京縣

京縣今為滎陽縣

西南嵩渚山

在今滎陽縣東南二十五里一名小

徑山與東關分水即古旃水也其水東北流器難之水

注之山海經曰山海經作少陁之山器難之水出焉而

北流注于侵

下脫水字

即此水也

山海經作北流注于侵

其

水北流逕金亭又北逕京縣故城西入于旃然之水

朱箋左傳襄公十八年楚伐鄭次于魚陵右師城上棘遂涉潁次于旃然注云旃然水出滎陽成臯縣東

入汴城故鄭邑也莊公以居弟段號京城大叔祭仲曰

京城過百雉國之害也城北有壇山置趙世家成侯

二十年魏獻滎陽因為壇臺置也

按史記趙世家成侯二十年魏

獻滎椽因為壇臺原夫如此並不云魏獻滎陽壇亦不作壇且無置字不知道元何據引此況索隱注

云劉氏曰榮椽地名其中有高處可以為臺非也按榮椽是良材可為椽登飾有光榮所以魏獻之故趙因之以為檀臺又正義曰榮屋翼也說文云椽椽也屋椽之兩頭起者為榮也據此則為榮椽無疑然作椽解又與上下文所引不類不知何故其水亂流北豈北魏時古本作榮陽不作榮椽也

逕小索亭西京相璠曰京有小索亭世語以為本索氏兄弟居此故號小索者也又為索水索水又北逕大柵城東晉滎陽民張卓董邁等遭荒鳩聚流離堡固名為大柵塢至太平真君年潁州刺史崔白自虎牢移州治此又開廣舊城創制改築焉太和十七年

遷都洛邑省州置郡索水又屈而西流與梧桐澗水

合水出

原本漏

西南梧桐谷東北流注于索斯水亦時

有通塞而不常流也索水又北屈東逕大索城南春

秋傳曰鄭子皮勞叔向於索水即此城也晉地道志

所謂京有大索小索亭漢書京索之間也

史記項羽本紀與漢

戰滎陽南京索間應劭曰京縣名屬河南郡有索亭

杜預曰成臯東有大索城又有小索城城在滎陽縣

北四里又云京縣有大索亭小索亭晉灼曰索音柵

明一統志云大索城在滎陽縣西五十里小索城在

大索東北

索水又東逕虢亭南應劭曰滎陽故虢字

漏公之

國也今號亭是矣故馬淵郡國志曰縣有號亭俗謂之平吡城城內有大家名管叔冢或亦謂之號吡城非也蓋號號字相類字轉失實也風俗通曰俗說高祖與項羽戰於京索遁於薄中羽追求之時鳩止鳴其上追之者以為必無遂得脫及即位異此鳩故作鳩杖以扶老案廣志楚鳩一名嗒啁號吡之名蓋因鳩以起目所未詳也索水又東北流須水古

疑作入右

馬

疑作馬

水近出京城東北二里榆子溝亦曰榛榆溝

也又亦或謂之為小索水東北流木蓼溝水注之水

上承京城南澗世謂之車輪澗澗水東北流謂之木

蓼溝又東北入于須水

須水出滎陽縣萬山北流入汴河

須水又東

北流于滎陽城西南北注索索水又東逕滎陽縣故

城南漢王之困滎陽也紀信曰臣詐降楚王宜間出

信乃乘王車出東門稱漢降楚楚軍稱萬歲震動天

地王與數十騎出西門得免楚圍羽見信大怒遂烹

之信冢在城西北三里故蔡伯喈述征賦曰過漢祖

之所隘弔紀信于滎陽其城跨倚崗原居山之陽王莽立
為新隊備周六隊之制魏正始三年歲在甲子被癸丑詔
書割河南郡鞏縣自關以東創建滎陽郡并戶二萬五千
以南鄉築陽城鄉亭侯李勝字公照為郡守顧原武典農
校尉政有遺惠民為立祠於城北五里號曰李君祠廟
前有石蹠蹠上有石的朱曰謝朓申云石的疑當作石
碣埤按會稽記縣東有石的山
山有石壁方二丈的的如射侯則此石的即其類也石的銘具存其畧云百族欣
戴咸推厥誠今猶祀禱焉索水又東逕周苛冢北漢祖

之出滎陽也令御史大夫周苛守之項羽拔滎陽獲苛
曰吾以公為上將軍封三萬戶侯能盡節乎苛瞋目罵
羽羽怒烹之索水又東流北屈西轉北逕滎陽城東而
北流注濟水杜預曰旃然水出滎陽成臯縣東入汴春
秋襄公十八年楚伐鄭石當作右師涉潁次于旃然即是
水也濟渠水斷汴溝唯承此始故云吸受旃然矣亦謂
之鴻溝水蓋因漢楚分王指水為斷故也郡國志曰滎
陽有鴻溝水是也蓋因城地而變名為川流之異目濟

水又東逕滎陽澤北故

胡作古亦通

滎水所都

朱云疑作潞

也

京相璠曰滎澤在滎陽縣東南與濟隧合濟隧上承

河水于卷縣北河南逕卷縣故城東

漢字河南郡有卷縣其故城在

今原武縣

又南逕衡雍城西

左傳晉文公敗楚師于濮甲午至于衡雍作

王宮于踐土杜注云衡雍鄭地今滎陽

卷縣衡雍城在今原武縣西北五里

春秋左傳襄

公十一年諸侯伐鄭西濟於濟隧杜預闕其地而名

之水也京相璠曰鄭地也言濟水滎澤中北流至衡

雍西與出河之濟

濟水伏流自河而出故謂之出河之濟

會南去新鄭

新鄭縣今屬開封府

百里斯蓋滎播河濟往復逕通矣出河之

濟即陰溝之上源也濟隧絕焉故世亦或謂其故道

為十字溝自于岑造八激堤於河陰水脉徑斷故瀆

難尋又南會于滎澤然水既斷民謂其處為滎澤春

秋衛侯及翟人戰于滎澤而屠懿公弘演報命納肝

處也

呂氏春秋云狄人殺衛懿公食之遺其肝弘演使返報命肝下自剖其腹納懿公之肝有

垂隴城濟瀆出其北春秋文公三年

左傳作二年

晉士穀

盟于垂隴者也京相璠曰垂隴鄭地今滎陽東二十

里有故隴城即此是也世謂之都尉城蓋滎陽典農
都尉治故變垂隴之名矣澤際又有沙城城左佩濟
瀆竹書紀年梁惠成王九年王會鄭釐侯于巫沙者
瀆際有故城世謂水城非也史記秦昭王三十二年

魏冉攻魏走芒卯入北宅

史記穰侯傳昭王三十二年穰侯為相國將兵攻魏

走芒卯入北宅徐廣曰魏惠王五年與韓會宅陽正義曰竹書云宅陽一名北宅括地志云宅陽故城在鄭州滎陽縣西南十七里即故宅陽城也竹書紀年曰惠王十三

年王及鄭釐侯盟于巫沙

朱云今竹書巫沙之盟是顯王十一年事以釋

宅

竹書紀年作宅

陽之圃歸釐于鄭者也竹書紀年晉出公

六年齊鄭伐衛荀瑶城宅陽

按竹書紀年貞定王七年晉荀瑶城南梁無城

宅陽之丈

俗言水城非矣濟水自澤東出即是始矣王隱

曰河決為滎濟水受焉故有濟堤矣為北濟也濟水

又東南逕釐城東春秋經書公會鄭伯于時來左傳

所謂釐也京相璠曰今滎陽縣東四十里有故釐城

也濟水又合黃水黃水發源京縣黃淮止

疑訛當作山

東

南流名祝龍泉泉勢沸湧狀若巨鼎湯湯西南流謂

之龍項口世謂之京水也

京水源出滎陽嵩渚山徑鄭州西南十五里東北入

鄭水又屈而北注魚子溝水入

朱本作北注于濟魚水入焉

焉水出石

暗澗東北流又北與潏潏水合水出西溪東流水上

有連理樹其

脫樹字

柞櫟也南北對生凌空交合溪水

歷二樹之間東流注于魚水魚水又屈而西北注黃

水黃水又北逕高陽亭東又北至故市縣重泉水注

之水出京城西南小

宋本作少

陸山東北流又北流逕高

陽亭西東北流注于黃水又東北逕故市縣故城南

溪高帝六年封閭澤母赤為侯國屬縣也

按漢書表高帝六年

封閭澤赤為故市侯三年薨九年子母害嗣今云閭澤母赤是二人合為一人矣

黃水又東

北至滎澤南分為二水一水北入滎澤下為船塘俗謂之郟城陂東西四十里南北二十里竹書穆天子傳曰甲寅天子浮于滎水乃奏廣樂是也一水東北流即黃雀溝矣穆天子傳曰壬寅天子東至于雀梁者也又東北與靖水枝津合二水之會為黃泉北流注于濟水

又東過陽武縣北

陽武縣今屬河南開封府

濟水又東南流入陽武縣歷長城東南流蒗蕩渠出

焉

濟水又東北流南濟也逕陽武縣故城南

王莽更名之曰楊桓矣又東為白馬淵淵東二里南

北一百五十步泉流名為白溝又東逕房城北穆天

子傳曰天子里圃田之路東至于房疑即斯城也郭

注云以為趙郡房子也余謂穆王里鄭圃田郭以趙

之房邑為疆更為非矣

濟水又東逕封丘縣南

今屬開封府

又東逕大梁城北

今祥符縣西北有浚儀故城即大梁城也

東左

何校本改南

逕倉垣城

倉垣城在今陳留縣西

又東逕小黃縣

在今陳留縣西北二十里

之故城北縣有黃亭說濟

疑訛或是臨溝

又謂之曰黃溝縣

故陽武之東黃鄉也故

朱本云疑脫因字

水以名縣沛公起

兵野戰喪皇妣于黃鄉天下平定乃使使者

脫以字

梓

宮招魂幽野于是丹旒目水濯洗入于梓宮

朱箋按陳留風

俗傳云有丹蛇自灑濯入于梓宮其浴處有遺髮焉
則丹旒當作丹蛇目水當作自水

故謚曰昭靈夫人因作寢以寧神也

濟水又東逕東昏縣故城北

今蘭陽縣東北二十里有東昏縣故城

陽武縣之戶牖鄉矣漢丞相陳平家焉平少為社宰
以善均肉稱今民祠其社平有功于高祖封戶牖侯

是後置東昏縣也王莽改曰東明矣

濟水又東逕濟陽縣故城南

今蘭陽縣東五十里有濟陽縣故城

故武父城也城在濟水之陽故以為名王莽改之曰

濟前者也光武生濟陽宮光明昭室即其處也東觀漢記曰光武以建平元年生於濟陽縣是歲有嘉禾生一莖九穗大于凡禾縣界大熟因名曰秀

又東過封丘縣北北濟也

自滎澤東逕滎陽卷縣之武修亭南春秋左傳成公

十五年

左傳作十年

鄭子然盟于修澤者也鄭地矣杜預

曰卷東有修武亭

濟水又東逕原武縣故城南

春秋之原圃也穆天子傳曰祭父自圃鄭來謁天子

穆天子傳無天子二字

夏庚午天子飲于滄上乃遣祭父如圃

鄭是也王莽之原桓矣濟瀆又東逕陽武縣故城北
又東絕長城築也案竹書紀年梁惠成王十二年龍
賈率師築長城于西邊自亥谷以南鄭所城矣竹書
云是梁惠王十五年築也郡國志曰長城自卷逕陽
武到密者是矣

濟瀆又東逕酸棗縣之烏巢澤北

酸棗縣今為開封府延津縣

澤有故亭晉太康地記曰澤棗之東南

宋本作澤在酸棗之東南

昔曹太祖納許攸之策破袁紹軍處也濟瀆又東逕

封丘

原本訛立

縣南燕縣之延鄉也其在春秋為長丘焉

應劭曰左傳宋敗狄于長丘獲長狄緣斯是也漢高

帝封翟盱

按史記表高祖十一年封翟盱為衍侯索隱曰漢志闕從無封丘之封不知鄴道元

何自云然濮水出焉

炳巽按上下文義漢高帝封翟盱六字似是他處之注錯簡于

此不熊翟盱當有為侯國等字而濮水出焉句亦與上文不接其為錯無疑

濟瀆又東逕

大梁城之赤亭北而東注

下疑有脫文

又東過平丘縣南北濟也

平丘縣今為開封府封丘縣

縣故衛地也春秋魯昭公十三年諸侯盟于平邱是

也縣有臨濟亭田儋死處也又有曲濟亭皆臨側

濟水者又東過濟陽縣北濟也

自武父城北園稱曰

朱箋按隋經籍志闕駟撰十三州志十卷議郎園稱撰陳留風

俗傳三卷則園稱曰下應有別文或闕駟曰三字是衍文

闕駟曰在縣西北鄭邑

也東逕濟陽縣故城北

朱本陳留上有園稱二字

陳留風俗傳曰

縣故宋地也竹書紀年梁惠成王三十年城濟陽漢

景帝中元六年封梁孝王子明為濟川王應劭曰濟川今陳留濟陽縣是也

又東過宛胸縣南

今兗州府曹州西有宛胸縣故城

又東過定陶縣南

南濟也

禹貢錐指曰謂之南濟實濟水之經流也自滎口石門至此皆禹後代人所導職方豫州之川水經謂之滎瀆而河濟合焉者也過此則為陶丘復出之濟矣以今輿地言之河南開封府之滎澤原武陽

武封丘祥符陳留蘭陽山東兗州府之曹州諸州
縣界中皆滎瀆之所經也自鴻溝既開滎澤為河
水所亂已非其舊逮東漢之世滎澤亦塞而禹迹
蕩然無存矣 滎瀆非滎澤也鄭康成云滎澤在
滎陽縣東杜預同京相璠云在縣東南滎澤縣志
在縣南其說不同按今縣西南十二里有滎陽故
城漢縣也昔時澤在滎陽縣東今則在滎陽縣南
矣鄭杜說是滎澤西北距滎口二十餘里其間必

有水道水道相通而志家不詳余按水經注黃水自京縣東北流入滎澤下為船塘俗謂郟城陂東西四十里南北二十里穆天子傳曰浮于滎水乃奏廣樂是也北流注于濟水此皆昔人導澤為川之路澤水從此北出而為滎瀆故謂之滎口濟水自敖山又東不得便合滎澤以是知經之澤字當作瀆也 又曰河與滎瀆相亂其來已久而滎澤在西漢時依然無恙故班固云濟水軼出滎陽北

地中謂滎澤也至東漢乃塞為平地不知何故酈道元云昔大禹塞其淫水而於滎陽下引河東南以通淮泗又云大禹塞滎澤開滎蕩渠以通淮泗夫滎澤何以謂之淫水經曰滎波既豬禹方陂之以蓄其水何以塞之誕妄不足深辨或云王莽時濟竭而不復出故滎澤遂塞斯言亦大可疑按司馬彪郡國志河內溫下云濟水出王莽時大旱遂枯絕河南滎陽下云有鴻溝水而不言滎澤豈以

其時已塞為平地乎濟枯之語繫之溫縣蓋專謂北源故酈注於溫縣濟水故瀆下言之然北源東漢復出水經歷歷可考彪何以直言枯絕而滎澤無文則又似專指南源此後人所以移其說于滎陽也程大昌云世惡莽居下流故河徙濟枯皆歸于莽余謂河徙事見王莽傳無可疑者濟枯亦理之所有但濟水因旱而枯旱止則當復舊夏季伊洛竭商季河竭周幽王時三川竭諸水不聞自此

遂絕也濟河獨一枯而不復出且南北二源同此一濟北源復出南源何以終絕殊不可曉積思久之竟不知滎澤之塞為何故頃讀後漢書而得之王景傳云平帝之世河汴決壞未及得修汴渠東侵日月侵毀建武十年陽武令張汜上言河決積久日月侵毀濟渠所漂數十許縣明帝紀永平十三年詔亦言自汴渠決敗六十餘歲加頃年以來雨水不時汴渠東侵日月益甚水門故處皆在河

中漭濘廣濘莫測垠岸當時汴濟之區河災之羨
濘為害如此濟渠即滎瀆南去滎澤不過二十餘
里則固在所漂數十縣之中者也河水氾濘必至
其處歷六十年而後已填淤之久空竇盡窒地中
伏流不能上涌滎澤之塞實由於此豈因旱乾而
遂塞哉余闕曰河天下之濁水也水一石率泥數
斗嘗道出梁滎觀決河凡水之所被比其去即穿
居大本盡沒地中漫不見踪跡然則河侵滎澤去

後安得不塞為平地鉅鹿縣志云元末河決入鉅野及徙後澤遂化為平陸其明徵也彪得之傳聞不暇深究故言之不詳世遂附會以為滎澤墮之故殊非事實故不可以無辨

濟瀆自濟陽縣故城南東逕戎城北春秋隱公二年公會戎于潛杜預曰陳留濟陽縣東南有戎城是也

濟水又東北洳水東出焉

洳水故道在今曹州境內今涸

濟水又東北逕寬胸縣故城南呂后元年

按漢表乃景帝元年

四月封楚元王子劉執為侯國王莽之濟平亭也

濟水又東逕秦相魏冉冢

日知錄顧炎武云今曹縣有冉堦為秦相穰侯魏冉之冢

史記穰侯卒于陶遂塋焉

宋本冢下有一南字

冉秦宣太后弟也代客卿壽燭為相封於穰益封于陶號曰穰侯富于王室范雎說秦秦王悟其擅權免相就封出關輜車千乘卒于陶而因葬焉世謂之安平陵墓南崩碑尚存

濟水又東北逕定陶恭王陵南

漢哀帝父也帝即位母丁太后建平二年崩上曰宜起陵于恭皇之園送葬定陶貴震山東王莽秉政貶

號丁姬開其槨尸

按漢書外戚傳當作尸

火出炎四五丈吏卒

以水沃滅乃得入燒燔槨中器物公卿遣子弟及諸生四夷十餘萬人操持作具助將作掘平共王母傅太后墳及丁姬冢二旬皆平莽又周棘其處以為世

戒云時有羣鷲數千銜土投于丁姬窀穸中

窀漢書作穿師古曰

謂壙中也

今其墳冢巍然尚秀隅阿相承列郭數周面開

重門南門內夾道有崩碑二所世尚謂之丁昭儀墓
又謂之長隧陵蓋所毀者傅太后陵耳丁姬墳墓事
與書違不甚過毀未必一如史說也瀆南魏郡治也
世謂之左城亦名之曰葬城蓋恭王之陵寢也

濟水又東北逕定陶縣故城南

定陶縣今屬山東兗州府

側城東注也

朱云也字疑訛似當作此

縣故三駮國也湯追桀三

駮即此周武王封弟叔振鐸之邑也

謝云宋本也字在曹國下故

曹國漢宣帝甘露二年更濟陰為定陶國王莽之濟

平也戰國之世范蠡既雪會稽之恥乃變姓名寓之於陶為朱公以陶天下之中諸侯四通貨物之所交易也治產致千金富好行德子孫修業遂致巨萬故言富者皆曰陶朱公也

又屈從縣東北流南濟也

又東北右合河水水瀆上承濟水于濟陽縣東世謂之五丈溝又東逕陶丘北地理志曰禹貢定陶西南有陶丘陶丘亭在南墨子以為釜丘也

禹貢錐指曰按漢志陶丘在定陶縣西南則濟水當先經陶丘而後至故城此經不合恐是錯簡又東北逕定陶縣故城南十字當在引竹書薛侯來會王于釜丘者也下

竹書紀年魏襄王十九年薛侯來會王于釜丘者也禹貢錐指曰按自滎口至陶丘皆後世滎瀆之所經非禹迹也今曹州定陶界中並有濟水故道禹時則濟水伏流涌自陶丘之北而東注于荷澤無

上源也陶丘漢志云在定陶縣西南而郭璞言在城中蓋其時郡徙西南包陶丘而為城耳今縣則又徙于東北故陶丘與漢城皆在西南也

尚書所謂導菏水自陶丘北謂此也菏水東北出于定陶縣北屈左合汜水汜水西分濟瀆東北逕濟陰郡南爾雅曰濟別為澆呂忱曰水別復入為汜廣異名也汜水又東合于菏瀆昔漢祖既定天下即帝位於定陶汜水之陽張晏曰汜水在濟陰界取其汜愛

弘大而潤下也。汜水名。於是乎在矣。汜水又東北逕定陶縣南。又東北右合黃水。枝渠渠上承黃溝。東北合河而北注濟瀆也。

禹貢錐指曰：荷澤在陶丘之東北，相去不遠。濟水伏流至陶丘北，上奮馳波，跳沫東北，匯于荷澤。又東北絕鉅野，至琅槐入海者為濟瀆。其一枝東南流至湖陵，入泗者後人目之曰荷水。漢志湖陵縣下云：荷水在南者，是湖陵。今為魚臺縣地也。許慎

云荷澤水在湖陵謂澤之下流入河者亦未為誤
自孔傳襲其文曰荷澤在湖陵而遺一水字則在
湖陵者為澤矣釋此至于荷又增一水字曰荷澤
之水則定陶之荷澤與湖陵之荷水無別矣酈道
元時孔傳已盛行故宗其說言尚書有導荷澤之
說自陶丘北東至于河水又以湖陵入泗為澤水
所鍾而不知此特荷澤之下流其所鍾則在定陶
也且豫州導荷澤被孟豬乃導澤水之餘波南入

于孟豬非謂東南至湖陵入泗之菏水酈乃混而為一種種紕繆皆為孔傳所誤說禹貢者當以漢志為正經文三菏字皆以澤言在定陶與湖陵無涉也 菏之為澤也濟貫其中大半是濟水所匯

酈注云即涕水之所包注以成湖澤是也然亦必有旁源酈注云濟水自定陶故城南又東北右合

菏水水上承濟水于濟陽縣東

今蘭陽曹州之間

世謂之

五丈溝又東北出定陶縣北屈左合汜水汜水西

分濟瀆東北逕濟陰郡南又東合于荷又東北逕定陶縣南又東北右合黃水枝渠而北注濟瀆是汜水與五丈溝之會于澤者亦皆濟水之分流也

寰宇記云荷水亦名南濟水

近志以北清河為北濟南清河為南濟誤

由于俗謂之五丈河西自考城縣界來程大昌曰

樂史寰宇書云濟陰有山是為荷山荷水西自考城來考城在濟陰西濟之正流未嘗經考城可見荷水自為一派而濟來會之甚明也水經以此水

為五丈溝即近世命為五丈河者此正河水首末也按曹州志河山在州東南三十里以近河澤而言蓋澤本名河後人因澤以名其山也說者謂河水出河山非是據酈注河水分濟于定陶東北此即經所謂濟水東至乘氏縣西分為二南為河水北為濟瀆者也乘氏故城在今鉅野縣西南漢置然曹州之東境亦兼得乘氏地州東南與定陶接界河澤在焉注所謂定陶東北即經所謂乘氏

縣西也但不言荷澤為疎漏耳荷水只自荷澤分
流酈以濟陽所出之五丈溝為荷水蓋雜採他說
而有此繆元和志因目魚臺之荷水曰五丈溝而
程氏據以為荷水之首末正當如此皆非地志水
經之荷水起乘氏訖湖陵之本意也 濟水有三
伏三見之說或謂出于近世之俗學殊不可信王
綱振云如時以東流為濟溢為滎為見則潏東流
為漢匯為彭蠡亦可為見乎又若以入于河為伏

則渭入于河洛入于河亦可為伏乎況經明言浮于濟潔達于河河濟本通而此曰流曰溢曰入曰出曰至曰會亦並無間斷不知三伏三見何據但沿襲既久為之曲解非本注也渭按伏見之說二孔無之然有所自來秦澤一伏東丘一見本水經注武德入河再伏滎陽軼出再見本地理志滎東又泆為三伏出曹濮間為三見本唐書許敬宗傳此豈創自近世但以入河為伏羲有未安耳滎澤

自周以前已導為滎川與陶丘復出之濟相接故
漢志于軼出滎陽地中下即繼之曰又東至琅槐
入海而定陶縣下亦止云禹貢陶丘在西南不引
東出之文蓋三見之迹不可得見久矣鴻溝既開
滎瀆為濁河所亂陶丘之實日就填淤而滎澤之
澄泓如故其後滎澤亦塞則河南由是無濟水而
再見之迹亦亡水經以河濟合流分入滎瀆者為
濟水京相璠謂之出河之濟酈道元宗之而班固

之所謂軼出地中者絕口不談矣或以為河中截

留而過

孔安國

或以為河底穴地而來

蔡沈

或以為

河濟相亂南出還清

孔穎達

或以為適會河滿溢出

南岸

程大昌

各持所見終非定論余竊謂河南之濟

即奮自河南之地中未必與入河之濟為一脈譬

如人之鼻息總出丹田氣海中呼者豈必其吸者

之復出邪沈括云歷下凡發地皆是流水世傳濟


水經過其下東阿之井乃濟水所為曾鞏云泰山

諸谷之水自渴馬崖潛流地中至歷城西復出為
趵突旁溢十數泉蔡傳引以證濟之伏見重源顯
發所在多有元和志云鄭州管城縣京水出縣南
平地新鄭縣溱水出縣西北三十里平地二處並
在河南密爾滎澤尤為明驗蓋濟瀆所經之地其
下皆有伏流遇空竇即便涌出故一見于滎澤再
見于陶丘不必以入河之濟為上源亦不必并泰
山澤東丘數之為三伏三見也草廬之說雖聖人

復作無以易之矣

東坡惠泉詩云茲山定空中乳水滿其腹遇隙則發見臭味實

一族余謂濟水亦然今年遊歷下觀諸泉尤信



水經注集釋訂訛卷七